

"Фылыми-зерттеу қызметін есепке алу әдістемесін бекіту туралы" Қазақстан Республикасы Ұлттық экономика министрлігінің Статистика комитеті төрағасының 2016 жылғы 11 қарашадағы № 265 бұйрығына өзгерістер мен толықтырулар енгізу туралы

Қазақстан Республикасының Стратегиялық жоспарлау және реформалар агенттігі Ұлттық статистика бюросы Басшысының 2021 жылғы 29 қарашадағы № 40 бұйрығы. Қазақстан Республикасының Әділет министрлігінде 2021 жылғы 8 желтоқсанда № 25599 болып тіркелді

#### БҰЙЫРАМЫН:

1. "Фылыми-зерттеу қызметін есепке алу әдістемесін бекіту туралы" Қазақстан Республикасы Ұлттық экономика министрлігі Статистика комитеті төрағасының 2016 жылғы 11 қарашадағы № 265 бұйрығына (Нормативтік құқықтық актілерді мемлекеттік тіркеу тізілімінде № 14526 болып тіркелген) мынадай өзгерістер мен толықтырулар енгізілсін:

бұйрықтың кіріспесі мынадай редакцияда жазылсын:

"Мемлекеттік статистика туралы" Қазақстан Республикасы Заңының 12-бабы 5) тармақшасына, сондай-ақ Қазақстан Республикасы Президентінің 2020 жылғы 5 қазандағы № 427 Жарлығымен бекітілген Қазақстан Республикасының Стратегиялық жоспарлау және реформалар агенттігі туралы ереженің 17-тармағы 22) тармақшасына сәйкес, **БҰЙЫРАМЫН:**";

көрсетілген бұйрықпен бекітілген Фылыми-зерттеу қызметін есепке алу әдістемесі осы бұйрыққа қосымшаға сәйкес жаңа редакцияда жазылсын.

2. Қазақстан Республикасы Стратегиялық жоспарлау және реформалар агенттігі Ұлттық шоттар департаменті Заң департаментімен бірлесіп заңнамада белгіленген тәртіппен:

1) осы бұйрықты Қазақстан Республикасының Әділет министрлігінде мемлекеттік тіркеуді;

2) осы бұйрықты Қазақстан Республикасы Стратегиялық жоспарлау және реформалар агенттігі Ұлттық статистика бюросының интернет-ресурсында орналастыруды қамтамасыз етсін.

3. Қазақстан Республикасы Стратегиялық жоспарлау және реформалар агенттігі Ұлттық статистика бюросының Ұлттық шоттар департаменті осы бұйрықты Қазақстан Республикасы Стратегиялық жоспарлау және реформалар агенттігі Ұлттық статистика бюросының құрылымдық және аумактық бөлімшелеріне жұмыс басында басшылыққа алу және пайдалану үшін жеткізсін.

4. Осы бұйрықтың орындалуын бақылау Қазақстан Республикасы Стратегиялық жоспарлау және реформалар агенттігінің Ұлттық статистика бюросы басшысының жетекшілік ететін орынбасарына (Ж.Ә. Жарқынбаев) жүктелсін.

5. Осы бұйрық алғашқы ресми жарияланған күнінен кейін күнтізбелік он күн өткен соң қолданысқа енгізіледі.

*Басшы*

*H. Айдапкелов*

Басшысының  
2021 жылғы 29 қарашадагы  
№ 40 бұйрығына қосымша  
Қазақстан Республикасы  
Ұлттық экономика министрлігі  
Статистика комитеті  
төрағасының  
2016 жылғы "11" қарашадагы  
№ 265 бұйрығымен  
бекітілген

## **Ғылыми-зерттеу қызметін есепке алу әдістемесі**

### **I тарау. Жалпы ережелер**

1. Осы Ғылыми-зерттеу қызметін есепке алу әдістемеде (бұдан әрі – Әдістеме) келесі үғымдар қолданылады:

1) аралық тұтыну (бұдан әрі – АТ) – өндіріс процесінде түрленетін немесе толықтай тұтынылатын тауарлар мен қызметтердің құны;

2) аяқталмаған өндіріс – тұтынушыларға жіберу үшін жеткіліксіз өнделген, өндірілген өнім шығарылым;

3) бейрезидент – резидент болып табылмайтын бірлік;

4) ғылыми зерттеулер мен әзірлемелер (бұдан әрі – F3Ә) – білім қорын ұлғайту және осы білім қорын жаңа өнімдерді, өндірістің неғұрлым тиімді процестерін ашу немесе әзірлеу үшін пайдалану мақсатында жүйелі негізде жүзеге асырылатын шығармашылық қызмет;

5) институционалдық бірлік – өз атынан активтерді иеленуге, міндеттемелер қабылдауға, экономикалық қызметке қатысуға және басқа бірліктермен операцияларға кіруге қабілетті экономикалық бірлік;

6) материалдық айналым құралдары қорларының өзгеруі – қорлардан шығып қалу құнын шегергендеңі және есепті кезең ішінде материалдық айналым құралдары қорларында болған тауарлардың кез келген ағымдағы шығасыларының құнын шегергендеңі материалдық айналым құралдары қорларындағы түсімдердің құны;

7) нарықтық емес шығарылым – басқа бірліктерге тегін немесе экономикалық түрғыдан маңызды емес болып табылатын бағалар бойынша ұсынылатын тауарлар және/немесе қызметтердің шығарылымы;

8) нарықтық шығарылым – экономикалақ маңызы бар бағалар бойынша сатуға арналған шығарылым;

9) негізгі капиталдың жалпы қорланымы (бұдан әрі – НКЖК) – өндірушілердің болашақта жаңа табысты қалыптастыру үшін өндірісте қолданатын негізгі құралдардың шығып қалу құнын шегергендеңі жаңа және бар негізгі құралдарды сатып алу құны;

10) резидент – берілген елдің экономикалық аумағында орналасқан, яғни ол осы аумақта экономикалық қызметпен біршама ұзақ кезеңде (1 жыл немесе одан да көп) айналысатын экономикалық мұдделердің басым орталығы берілген институционалдық бірлік;

11) түпнұсқалар – тауаралар мен қызметтерді өндіруде бірнеше рет пайдаланылатын, бастапқыда жасалған зияткерлік меншік өнімдері;

12) шығарылым – резидент-бірліктердің өндірістік қызметінің нәтижесі болып табылатын тауарлар және/немесе қызметтердің құны;

13) экономикалық маңызы бар бағалар – өндірушілер жеткізгісі келетін өнімдердің санына және сатып алушылар сатып алғысы келетін өнімдердің санына айтарлықтай әсер ететін бағалар.

## II тарау. Ұлттық шоттар жүйесінде ғылыми-зерттеу қызметін есепке алу

### 1-параграф. Ұлттық шоттар жүйесінде F3Ә қызметтері ресурстарының көрсеткіштерін есепке алу

2. F3Ә қызметтерінің ресурстары Ұлттық шоттар жүйесінің (бұдан әрі – ҰШЖ) мынадай көрсеткіштерінде есепке алынады:

қызметтердің шығарылымы;

қызметтер импорты.

3. F3Ә қызметтерінің шығарылымы ғылыми зерттеу қызметімен айналысатын институционалдық бірліктердің шығарылымын білдіреді.

4. ҚР ҰЖ 13-2019 Экономика секторларының жіктеуішіне (бұдан әрі – ЭСЖ) сәйкес экономиканың мынадай секторлары F3Ә қызметтерін өндірушілер болып табылады:

S11. қаржылық емес корпорациялар;

S12. қаржылық корпорациялар;

S13. мемлекеттік басқару;

S14. үй шаруашылықтары.

5. F3Ә қызметтерінің шығарылымы келесі түрлерден тұрады:

нарықтық шығарылым;

жеке пайдалануға арналған шығарылым;

нарықтық емес шығарылым;

экономикалық пайда әкелмейтін шығарылым.

6. F3E қызметтерінің шығарылымы экономиканың тиісті секторларының өндіріс шоттарында есепке алынады.

7. Қаржылық емес және қаржылық корпорациялар секторлары үшін:

F3E қызметтерінің нарықтық шығарылымы мыналарды қамтиды:

бейрезиденттерге сатуды қоса алғанда, басқа институционалдық бірліктерге активтер болып табылатын F3E қызметтерін, тұпнұсқалар мен лицензияларды сату құны;

сатуға арналған аяқталмаған F3E өндірісінің қорларын өзгерту.

Жеке пайдалану үшін F3E қызметтерінің шығарылымын корпорация ішінде жеке пайдалану үшін активтерге капиталдандырылатын F3E қызметтерінің құнын қамтиды.

8. Мемлекеттік басқару секторы үшін:

F3E қызметтерінің нарықтық шығарылымы мыналарды қамтиды:

нарықтық бағалар бойынша басқа институционалдық бірліктерге сатуға арналған өндірілген F3E қызметтерінің құны;

активтер болып табылатын тұпнұсқалар мен лицензияларды сату құны.

F3E қызметтерінің нарықтық емес шығарылымы мыналарды қамтиды:

басқа институционалдық бірліктерге тегін немесе экономикалық тұрғыдан болмашы бағалар бойынша ұсыну үшін өндірілген F3E қызметтерінің құны.

9. Үй шаруашылығы секторы үшін:

F3E қызметтерінің нарықтық шығарылымы басқа институционалдық бірліктерге нарықтық баға бойынша ұсынылатын жеке зерттеушілердің қызметтерін қамтиды.

10. Экономикалық пайда әкелмейтін F3E қызметтерін шығарылым өндірушінің АТ-на жататын F3E шығарылымының бір бөлігін қамтиды.

11. F3E қызметтерінің импорты тауарлар мен қызметтердің және әлемнің басқа елдерімен операциялардың шоттарында есепке алынады, мыналардан тұрады:

бейрезиденттер орындаған F3E қызметтеріне ақы төлеуге резиденттердің шығындары;

резиденттердің бейрезиденттерден зияткерлік меншік тұпнұсқаларын пайдалануға және молықтыруға лицензиялар сатып алуға жұмсаған шығындары;

резиденттер бейрезиденттерден өтеусіз негізде алған F3E қызметтерінің құны.

## 2-параграф. ҰШЖ-да F3E қызметтерін пайдалану көрсеткіштерін есепке алу

12. F3E қызметтерін пайдалану ҰШЖ мынадай көрсеткіштерінде есепке алынады: НКЖК;

материалдық айналым құралдары қорларының өзгеруі;

күрделі трансфертер;

АТ;

қызметтер экспортты.

13. F3Ә қызметін тұтынушылар экономиканың барлық секторларының институционалдық бірліктері болып табылады.

14. F3Ә қызметтерінің нарықтық шығарылымын пайдалану көрсетілген қызметтерді сатып алатын секторлардың НКЖҚ ретінде капиталмен операциялар шотында есепке алынады. Егер F3Ә қызметтерін "Ғылыми зерттеулер мен әзірлемелер" саласының бірліктері сатып алса, онда F3Ә қызметтерінің нарықтық шығарылымын пайдалану көрсетілген бірліктердің АТ ретінде өндіріс шотында көрсетіледі.

15. Егер F3Ә қызметтерінің нарықтық шығарылымы активтер болып табылмайтын лицензияларды сату жөніндегі қызметтерді ұсынудан тұрса, онда шығарылымды пайдалану көрсетілген қызметтерді сатып алатын бірліктердің АТ ретінде өндіріс шотында есепке алынады.

16. F3Ә қызметтерінің шығарылымын жеке тұтыну үшін пайдалану НКЖҚ ретінде қаржылық емес және қаржылық корпорациялар секторының капиталымен операциялар шотында есепке алынады.

17. F3Ә аяқталмаған өндірісі қорларының өзгеруі материалдық айналым құралдары қорларының өзгеруі ретінде қаржылық емес және қаржылық корпорациялар секторының капиталымен операциялар шотында есепке алынады.

18. Экономикалық пайда әкелмейтін F3Ә қызметтерінің шығарылымын пайдалану өндіруші секторлардың F3Ә өндірісі шотындағы АТ ретінде есепке алынады.

19. F3Ә қызметтерінің нарықтық емес шығарылымын пайдалану НКЖҚ ретінде мемлекеттік басқару секторының капиталымен операциялар шотында есепке алынады.

20. Резиденттерге өтеусіз негізде берілген F3Ә қызметтерінің құны тиісінше берілген және алынған күрделі трансфертер ретінде беруші және алушы секторлардың капиталымен операциялар шотында есепке алынады.

21. Бейрезиденттерге F3Ә қызметтерін өтеусіз негізде беру және сату тауарлар мен қызметтер және қалған әлеммен операциялар шоттарында қызметтер экспортты ретінде есепке алынады.

22. Импорт бойынша сатып алынған F3Ә қызметтерін пайдалану көрсетілген қызметтерді сатып алатын секторлардың НКЖҚ ретінде капиталмен операциялар шотында есепке алынады. Егер F3Ә қызметтерін "Ғылыми зерттеулер мен әзірлемелер" саласының бірліктері сатып алса, онда F3Ә қызметтерінің импортын пайдалану көрсетілген бірліктердің АТ ретінде өндіріс шотында есепке алынады.

23. Ғылыми-зерттеу қызметін шығарылым және оны 2008 жылғы ҰШЖ-да пайдалануды көрсету осы Әдістемеге 1-қосымшада келтірілген.

24. F3Ә қызметтерінің ресурстары мен пайдалану көрсеткіштерін айқындау схемасы осы Әдістемеге 2-қосымшада келтірілген.

**3-параграф. ҰШЖ-да F3Ә қызметтерінің ресурстары мен пайдалану көрсеткіштерін есепке алу**

25. F3Ә қызметтерінің нарықтық шығарылымы нарықтық бағаларда сатудан түсетін түсімдер мөлшерінде есепке алынады.

26. Жеке пайдалану үшін F3Ә қызметтерін шығарылым ұқсас өнімдердің нарықтық бағаларында немесе өндіріске жұмсалған шығындар жиынтығы бойынша есепке алынады.

27. F3Ә қызметтерінің нарықтық емес шығарылымы және экономикалық тұрғыдан пайда әкелмейтін шығарылым өндіріске жұмсалған шығындардың жиынтығы бойынша бағаланады.

28. Сатуға арналған, нарықтық өндірушілердің F3Ә-ның аяқталмаған өндірісі қорларының өзгеруі, аяқталмаған F3Ә-ға арналған жыл соңындағы және басындағы шығындар құны арасындағы айырма ретінде айқындалады.

29. Экономиканың жекелеген секторлары үшін F3Ә қызметтерінің НКЖҚ мына формула бойынша есептеледі:

$$НКЖҚ_s = B_s - C_s + H_s - ПрУ + ПкУ - AT_s - MKT_s + \Delta 1 + \Delta 2 \quad (1)$$

Мұндағы:

НКЖҚ<sub>s</sub> – экономиканың жекелеген секторы үшін F3Ә қызметтерінің НКЖҚ;

B<sub>s</sub> – сектор өндірісі шотындағы F3Ә қызметтерінің шығарылымы;

C<sub>s</sub> – экономиканың жекелеген секторы үшін өнімдерге (F3Ә қызметтеріне) субсидиялар;

H<sub>s</sub> – экономиканың жекелеген секторы үшін өнімдерге (F3Ә қызметтеріне) салынатын салықтар;

ПрУ – F3Ә қызметтерін сату;

ПкУ – F3Ә қызметтерін сатып алу;

AT<sub>s</sub> – өндірушілер өндірушілер мен сатып алушылардан F3Ә қызметтерінің шығарылым бөлігін аралық тұтыну;

MKT<sub>s</sub> – өндірушілерде F3Ә аяқталмаған өндірісі нысанында материалдық айналым құралдары қорларының өзгеруі;

Δ1 – F3Ә қолданыстағы активтерімен операциялар сальдосы (сатуды шегергенде сатып алу);

Δ2 – заттай нысандағы F3Ә қызметтерінің алынған және берілген курделі трансферттерінің сальдосы.

30. Жалпы экономика үшін F3Ә қызметтерінің НКЖҚ мына формула бойынша есептеледі:

$$НКЖҚ = B - C + H - AT - MKT + I - Э + \Delta \quad (2)$$

мұнда:

НКЖК – жалпы экономика үшін F3Ә қызметтерінің НКЖК;

В – үй шаруашылықтарына қызмет көрсететін коммерциялық емес ұйымдардан (бұдан әрі-УШҚЕҰ) басқа, экономиканың барлық секторларының өндіріс штоттарындағы F3Ә қызметтері шығарылымының жиынтығы;

С – өнімдерге (F3Ә қызметтеріне) субсидиялар;

Н – өнімдерге (F3Ә қызметтеріне) салынатын салықтар;

АТ – УШҚЕҰ-нан басқа, экономиканың барлық секторларының өндіріс штоттарындағы F3Ә қызметтерін шығарылым бөлігін аралық тұтыну;

МКТ – өндірушілерде F3Ә аяқталмаған өндірісі нысанында материалдық айналым құралдары қорларының өзгеруі;

И – ақшалай нысанда төленген F3Ә қызметтерінің импорты;

Э – ақшалай нысанда төленген F3Ә қызметтерінің экспорты;

Δ – басқа әлемнен алынған және басқа әлемге берілген, заттай нысандағы F3Ә қызметтерінің күрделі трансферттерінің сальдосы.

Ғылыми-зерттеу қызметін  
есепке алу әдістемесіне  
1- қосымша

### **Ғылыми-зерттеу қызметінің шығарылымы және оны 2008 жылғы ҰПЖ-да пайдалануды көрсету**

Шығарылым	Пайдалану
қаржылық емес және қаржылық корпорациялардың секторларының мемлекеттік басқару секторының үй шаруашылықтары секторының нарықтық шығарылымы	Пайдаланушыларда негізгі капиталдың жалпы қорланымы ("Ғылыми зерттеулер мен әзірлемелер" саласына жататын және активтер болып табылмайтын лицензияларды сатып алушылардан басқа) "Ғылыми зерттеулер мен әзірлемелер" саласына жататын пайдаланушылардан және активтер болып табылмайтын лицензияларды сатып алушылардан аралық тұтыну Өндірушілердегі материалдық айналым құралдары (аяқталмаған өндіріс) қорларының өзгеруі Экспорт
Нарықтық өндірушілердің (қаржылық емес және қаржылық корпорациялар секторларының) жеке пайдалануы үшін шығарылымы	Өндірушілерде (қаржылық емес және қаржылық корпорацияларда) негізгі капиталдың жалпы қорланымы
Мемлекеттік басқару секторының нарықтық емес шығарылымы	Мемлекеттік басқару секторындағы негізгі капиталдың жалпы қорланымы
Иесіне пайда әкелмейтін шығарылым	Иесінің (өндірушінің) аралық тұтынуы

Ғылыми-зерттеу қызметін  
есепке алу әдістемесіне  
2- қосымша

### **F3Ә қызметтер ресурстары мен пайдалану көрсеткіштерін айқындау схемасы\***

Жол №	Барлығы	оның ішінде секторлар-ФЗӘ қызметтерін тұтынушылар					
		Корпорациялар		мемлекеттік басқару	УШҚЕҰ	басқа әлем	
		ФЗИ-дан басқа**	ФЗИ**				
A	B	1	2	3	4	5	6
Секторлар бойынша шығарылым							
Корпорациялар	1	+	+	+	+	+	+
оның ішінде							
қызметтерді сату (активтер болып табылмайтын лицензияларды сатуға байланысты қызметтер көрсетуден басқа)	2	+	+	+	+	+	+
активтер болып табылмайтын лицензияларды сатуға байланысты қызметтер көрсету	3	+	+	+	+	+	+
аяқталмаган өндірісті өзгерту	4	+		+			
жеке пайдалану үшін қызметтер өндірісі	5	+	+				
Мемлекеттік басқару	6	+	+	+	+	+	+
оның ішінде							
нарықтық емес шығарылым	7	+			+		
нарықтық шығарылым	8	+	+	+	+	+	+
одан:							
қызметтерді сату (активтер болып табылмайтын лицензияларды сатуға байланысты қызметтер көрсетуден басқа)	9	+	+	+	+	+	+
активтер болып табылмайтын лицензияларды сатуға байланысты қызметтер көрсету	10	+	+	+	+	+	+
Үй шаруашылықтары	11	+	+	+	+	+	+
Барлық шығарылым	12	+	+	+	+	+	+
Импорт	13	+	+	+	+	+	
Барлық ресурстар	14	+	+	+	+	+	+
соның ішінде пайдаланылды:							
негізгі капиталдың жалпы қорланымы	15	2-ден 5-ке дейінгі бағандар жиынтығы	2-баған бойынша 2+5+9+11- жолдар		4-баған бойынша 2 +7+9+11- жолдар	5-баған бойынша 2+9+11- жолдар	
аралық тұтынуға	16	2-ден 5-ке дейінгі	2-баған бойынша 2+3+6+8 +	3-баған бойынша 4-баған бойынша	5-баған бойынша		

		багандар жиынтығы	3 + 10 - жолдар	1 1 - жолдар	3 + 10 - жолдар	3 + 10 - жолдар
аяқталмаған өндірісті өзгертуге	17	2-ден 5-ке дейінгі багандар жиынтығы		3-баған, 4 жол		
экспортқа	18	6-баған				6-баған бойынша 1 + 6 + 11 - жолдар

\* - "+" осы операция үшін жазу мүмкіндігін көрсетеді.

\*\* - "Ғылыми зерттеулер мен әзірлемелер" саласына жататын бірліктер.

© 2012. Қазақстан Республикасы Әділет министрлігінің «Қазақстан Республикасының Заннама және құқықтық ақпарат институты» ШЖҚ РМК